



**ATA OFISIAL DI SKOLAS DI IZAMI  
SESON DI ESKUTA DI KUMUNIDADI DI FORSA TAREFA DI  
ADMISONS**

**sabadu, 13 di Marsu di 2021**

Forsa Tarefa di Admisons na Skolas di Izami Escolar di Kunité Skular di Boston rializa um seson di eskuta rimotu na kumunidadi na dia 13 di Marsu di 2021, 10:00 na Zoom. Pa más infurmasons sobri kualker un di itens listadu li baxu, vizita <https://www.bostonpublicschools.org/esataskforce>, email [feedback@bostonpublicschools.org](mailto:feedback@bostonpublicschools.org), o tilifona pa Gabinete di Kunité Skular di Boston pa (617) 635-9014.

**PRIZENSA**

Menbrus di Forsa Tarefa di Admisons na Skolas di Izami Prizenti: Ko-Prizidenti Michael Contompasis; Ko-Prizidenti Tanisha Sullivan; Acacia Aguirre; Matt Cregor; Dr. Freeman-Wisdom; Katherine Grassa; Zena Lum; Rachel Skerritt; y Rosann Tung.

Menbrus di Forsa Tarefa di Admisons na Skolas di Izami Auzenti: Samuel Acevedo; Zoe Nagasawa; y Tamara Waite.

Pesual di BPS Prizenti: Monica Roberts, Xefi di Gabinete di Prumuson di Studanti, Famíia y Kumunidadi; y Monica Hogan, Diretora Izikutiva Sénior di Gabinete di Dadus y Prestason di Kontas.

**DUKUMENTUS APRIZENTADU**

[Ajenda](#)

**XAMADA A ORDEN (Abertura FORMAL)**

Mr. Contompasis da inisiu a riunion y é da boas vindas a menbrus, partisipantis y oradoris.

Sr<sup>a</sup>. Parvex fazi xamada. Tudú menbrus stevi prizenti ku isepson di Samuel Acevedo, Zoe Nagasawa, y Tamara Waite. Sr<sup>a</sup>. Aguirre txiga na riunion menus di un minutu dipos di xamada.

Mr. Contompasis anunsia ma staba dispunivel servisu di interpretason simultaniu na Spanhol, Kriolu Aitianu, Kabuverdianu, Vietnamita, Kantunés, Mandarin, Purtugés, Somali, Árabi y Línua Jestual Amerikanu (ASL); interpritis aprizenta y es da instrusons na sis lingua nativu sobri manera di asesa interpretason simultaniu através di mudansa di kanal di Zoom.

Sr<sup>a</sup>. Sullivan agradisi tudu algen pa sta partisipa di riunion. É lenbra partisipantis kalendáriu di riunion y é fla ma tinha oportunitadís pa publiku tistimunha na tudu riunion. É inkuraja tanbe tistimunhu skritu y é infatiza inpurtansia di Forsa Tarefa kumesa kun seson di eskuta pa obi kumunidadei di Boston.

## **KUMENTÁRIU DI PUBLIKU EN JERAL**

- Anna Dore, mai di West Roxbury, tistimunha sobri kritérius adisiunal pa admison.
- Amy Cleaveland-Hudson, mai di Charlestown, tistimunha sobri spanson di via di admison di 9<sup>o</sup> anu.
- Yuping Zhang, rizidenti na West Roxbury, tistimunha a favor di manutenson di izami.
- Kathleen Adams, mai di West Roxbury, tistimunha a favor di manutenson di izami.
- Kristin Johnson, mai di Jamaica Plain, tistimunha a favor di suspenson di izami.
- Mike Szkolka, rizidenti na Dorchestery es-alunu di Boston Latin School (BLS), tistimunha a favor di mudansa na prusesu di admison.
- Dora Golding, mai di Jamaica Plain tistimunha a favor di mudansa na prusesu di admison.
- Sharon Hinton, rizidenti na Hyde Park, profesora, y difensora kumunitáriu, tistimunha a favor di mudansa na prusesu di admison.
- Sung-Joon Pai, pai di Jamaica Plain y profesor di BPS, tistimunha a favor di mudansa na prusesu di admison, y sobri inpurtansia di skolas di altu kualidadi pa tudu algen.
- Karyn Aiello, rizidenti na Walthamy es-aluna di BLS, tistimunha a favor di mudansa na prusesu di admison.
- Travis Marshall, pai di Roslindale, tistimunha a favor di mudansa na prusesu di admison.
- Lucia Colombaro, rizidenti na Dorchester y es-aluna di BLS, tistimunha a favor di mudansa na prusesu di admison.
- Celeste Atallah-Gutierrez, mai di Roslindale, tistimunha a favor di mudansa na prusesu di admison.
- Leah Wu, mai di Charlestown, tistimunha sobri testi di izami.
- Jodie Cen, mai di Charlestown, tistimunha a favor di manutenson di izami.
- Mei Yu, mai di Roxbury, tistimunha a favor di manutenson di izami.
- George Sullivan, pai di Roslindale, tistimunha sobri skolas di kualidadi pa tudu alunu.
- Vijay Hegde, pai di Jamaica Plain, tistimunh aa favor di rializason di izami.

## KUMENTÁRIUS FINAL

Sr. Cregor agradisi partisipantis y interpritis.

Sr<sup>a</sup>. Sullivan agradidi tudu menbrus, ikipa di BPS, y oradoris ki partilha sis tistimunhu y é konbida publiku a inskrevi pa kumentárius publiku pa prósimu riunion na Tersa fera, 16 di Marsu.

Sr<sup>a</sup>. Sullivan fla, ma inbora es prusesu ten putensial di kauza divizon pa sidadi di Boston, Ko-Prizidentis sta inpenhadu na ka pirmiti pa kontisi kela. É riafirma si konprumisu ku ikuidadi idukasiunal, asesu, y oportunidadi pa tudu kriansa. Komu lider, é sta inpenhadu n aser inkluziva y orientadu pa dadus y na alkansa un rizultadu inuvador y ikuitativu pa tudu alunus di Boston, mantendu au mesmu tenpu rigor y kualidadi.

## ADIAMENTU

Pa volta di 11:25, Kumité vota pa unanimidadi, pa xamada numinal, adiamentu di riunion.

Atestadu:

Lena Parvex  
Asistenti Administrativu